

REGIONAL NEWS UNIT
ALL INDIA RADIO, AGARTALA

Date: 01-03-2026

Time: 07:55-08:05 PM Hrs

BENGALI EVENING BULLETIN

Headlines :

- (১) প্রধানমন্ত্রী নরেন্দ্র মোদী আজ তামিলনাড়ু ও পুদুচেরীতে গুচ্ছ প্রকল্পের উদ্বোধন এবং ভিত্তিপ্রস্তর স্থাপন করেছেন।
- (২) নির্বাচন কমিশনের নির্ধারিত সূচি অনুযায়ী ধর্মনগর বিধানসভা কেন্দ্রের আসন্ন উপনির্বাচনের জন্য চূড়ান্ত ভোটার তালিকা প্রকাশ করা হয়েছে।
- (৩) ক্রমবর্ধমান উত্তেজনার মধ্যে পররাষ্ট্রমন্ত্রী ডক্টর এস জয়শঙ্কর উপসাগরীয় অঞ্চলের বেশ কয়েকটি দেশের পররাষ্ট্রমন্ত্রীদের সাথে আলোচনা করেছেন।
- (৪) নেশামুক্ত সমাজ গড়ার আহ্বানে ধর্মনগরে আয়োজিত ফ্রেন্ডস ইউনিয়ন ক্লাবের ক্রিকেট টুর্নামেন্টে পদ্মপুর ক্লাব চ্যাম্পিয়ন হয়েছে।

PM:

প্রধানমন্ত্রী নরেন্দ্র মোদী আজ বিকেলে তামিলনাড়ুর মাদুরাইতে চার হাজার ৪০০ কোটি টাকারও বেশি মূল্যের পরিকাঠামো প্রকল্পের উদ্বোধন, জাতির উদ্দেশ্যে উৎসর্গ এবং ভিত্তিপ্রস্তর স্থাপন করেছেন। প্রকল্পগুলির মধ্যে রয়েছে কুম্ভকোনম, ইয়েরকাড এবং ভেলোরে তিনটি নতুন আকাশবাণী এফএম রিলে ট্রান্সমিটার। এই ট্রান্সমিটারগুলি আঞ্চলিক কভারেজ সম্প্রসারণ করবে, নিরবচ্ছিন্ন এফএম সম্প্রচার নিশ্চিত করবে এবং রাজ্যের একাধিক জেলায় পাবলিক সম্প্রচার পরিষেবার অ্যাক্সেস বৃদ্ধি করবে।

#####Byte PM-Akashbani#####

এনডিএ-র এক সমাবেশে ভাষণ দিতে গিয়ে প্রধানমন্ত্রী বলেন, আজকের অনুষ্ঠান তামিলনাড়ুর উন্নয়ন যাত্রায় একটি গর্বিত অধ্যায়। তিনি বলেন, এই প্রকল্পগুলি সংযোগ ব্যবস্থাকে রূপান্তরিত করবে, অর্থনীতিকে চাঙ্গা করবে, কর্মসংস্থান সৃষ্টি করবে এবং লক্ষ লক্ষ মানুষের জীবনকে রূপান্তরিত করবে। কৃষকদের বাজারে পৌঁছানোর জন্য উন্নত রাস্তা, পর্যটক এবং তীর্থযাত্রীদের জন্য সহজ ভ্রমণ এবং ব্যবসার জন্য দ্রুত পরিবহন ব্যবস্থা।

#####Byte PM-Bande Bharat#####

এদিকে, প্রধানমন্ত্রী নরেন্দ্র মোদী আজ সকালে পুদুচেরিতে ২,৭০০ কোটি টাকারও বেশি মূল্যের উন্নয়ন প্রকল্প জাতির উদ্দেশে উৎসর্গ করেছেন। অনুষ্ঠানে ভাষণ দিতে গিয়ে প্রধানমন্ত্রী বলেন, আধ্যাত্মিক পর্যটন, পরিবেশ-পর্যটন এবং স্বাস্থ্য পর্যটনে বিনিয়োগের মাধ্যমে সরকার পুদুচেরিকে আরও উচ্চতায় নিয়ে যাচ্ছে। তিনি আশা ব্যক্ত করেন পুদুচেরি একটি চিকিৎসা পর্যটন কেন্দ্র হিসেবে আবির্ভূত হতে পারে। অনুষ্ঠানে ১ হাজার ১৪২ দশমিক দুই তিন কোটি টাকা মূল্যের ১১টি প্রকল্পের উদ্বোধন করা হয়।

Dharmanagar- Voter List:

নির্বাচন কমিশনের নির্ধারিত সূচি অনুযায়ী ধর্মনগর বিধানসভা কেন্দ্রের আসন্ন উপনির্বাচনের জন্য গতকাল চূড়ান্ত ভোটার তালিকা প্রকাশ করা হয়েছে।

চূড়ান্ত ভোটার তালিকায় মোট ভোটারের সংখ্যা ৪৬, ১৪৩ জন। এর মধ্যে পুরুষ ভোটার ২২,৩৮০ এবং মহিলা ভোটার ২৩,৭৬৩ জন। সার্ভিস ভোটার রয়েছেন ১১ জন। এর মধ্যে পুরুষ ভোটার রয়েছেন ৮৮ এবং মহিলা ভোটার ৩ জন। চলতি বছরের ১লা জানুয়ারি তারিখকে ভিত্তিবর্ষ ধরে ধর্মনগর বিধানসভা কেন্দ্রের জন্য চূড়ান্ত ভোটার তালিকা প্রণয়ন করা হয়েছে।

Tribal Festival:

কেন্দ্রীয় জনজাতি বিষয়ক মন্ত্রকের উদ্যোগে আগামীকাল থেকে আদিবাসী সম্প্রদায়ের সমৃদ্ধ সাংস্কৃতিক ঐতিহ্য উদযাপন শুরু হবে। চলবে ২৪ শে মার্চ পর্যন্ত। অনুষ্ঠানে থাকবে জনজাতি ভিত্তিক শিল্প মেলা, জনজাতি সঙ্গীত উৎসব এবং আরও নানা কর্মসূচি। এই সমস্ত অনুষ্ঠানে অংশগ্রহণকারীরা তাদের শিল্পকর্ম, সঙ্গীত, সংস্কৃতি এবং চিত্রকলা দেশব্যাপী দর্শকদের সামনে উপস্থাপনের সুযোগ পাবেন। সারা দেশের প্রায় এক হাজার অংশগ্রহণকারী এই কর্মসূচিতে যোগ দেবেন। কেন্দ্রীয় জনজাতি বিষয়ক মন্ত্রী জুয়েল ওরাম সংবাদ মাধ্যমকে এখবর জানিয়েছেন।

Package Story:

আত্মনির্ভরতার রঙেই এবার দোল ও হোলি রাঙাচ্ছেন বিশালগড়ের লক্ষীবিলের দিদিরা। ফুল গ্রাম হিসেবে পরিচিত এই এলাকার মহিলারা ভেষজ আবির তৈরি করে শুধু উৎসবই নয়, নিজেদের ভবিষ্যৎও রঙিন করে তুলছেন। একটি প্রতিবেদন.....

#####V/O#####

Blood Donation Camp:

শ্রী চৈতন্য মহাপ্রভুর আবির্ভাব তিথি দোল পূর্ণিমা উপলক্ষে আজ আগরতলার সেন্ট্রাল রোডের শিববাড়ি প্রাঙ্গণে রক্তদান ও চক্ষু চিকিৎসা শিবিরের আয়োজন করা হয়। নিখিল ত্রিপুরা শ্রী শ্রী হরিভক্তি প্রচারিণী সভার উদ্যোগে ও আগরতলা

রোটারি ক্লাবের সহযোগিতায় এই শিবিরে উপস্থিত ছিলেন আগরতলা পুরনিগমের সেন্ট্রাল জোনের চেয়ারপার্সন রত্না দত্ত ও অন্যান্যরা। শিবিরে মোট ৬৭ জন রক্তদান করেন।

Blood Donation:

ত্রিপুরা তপশিলী জাতি সমন্বয় সমিতির রাজ্য সম্মেলন উপলক্ষে আজ আগরতলার মেলারমাঠে ডঃ বি আর আম্বেদকর ভবনে রক্তদান শিবিরের আয়োজন করা হয়। শিবিরে ৩২ রক্তদান করেন। অনুষ্ঠানে উপস্থিত ছিলেন সি.আই.টি.ইউ রাজ্য সভাপতি মানিক দে, ত্রিপুরা তপশিলী জাতি সমন্বয় সমিতির সাধারণ সম্পাদক সুধন দাস সহ অন্যান্যরা।

Update Akashvani :

এখবর শুনছেন, আকাশবাণী আগরতলা কেন্দ্র থেকে।

#####Sound Byte#####

আকাশবাণীর সংবাদের আপডেট পেতে লগ ইন করুন – ডব্লিউ. ডব্লিউ. ডব্লিউ ডট নিউজ অন এ আই আর ডট কম এবং নিউজ অন এ-আই-আর অ্যাপ, এবং টুইটার ও ফেসবুক প্ল্যাটফর্মে-এ এ-আই-আর-নিউজ-এলার্টস-এ। ইউ-টিউব-এ লক্ষ্য করুন নিউজ-অন-এআইআর-অফিসিয়াল-এ।

এছাড়াও আকাশবাণী আগরতলার সংবাদ আপডেট পেতে দেখুন টুইটার বা এক্স হ্যান্ডলে আকাশবাণী নিউজ আগরতলা / ফেসবুকে এ-আই-আর নিউজ আগরতলা এবং ইউ টিউবে আকাশবাণী নিউজ আগরতলা।

Iran:

আয়াতুল্লাহ আলী খামেনির হত্যার পর ইরানের অন্তর্বর্তীকালীন সর্বোচ্চ নেতা হিসেবে দায়িত্ব পালন করবেন সিনিয়র ধর্মীয় নেতা আয়াতুল্লাহ আলি রেজা আরফি। ইরানের গণমাধ্যম নিশ্চিত করেছে সর্বোচ্চ নেতা আয়াতুল্লাহ আলি খামিনি মার্কিন ইসরাইলি হামলায় পরিবারের ঘনিষ্ঠ সদস্যদের সাথে নিহত হয়েছেন। খামেনির মৃত্যুর পর বেশ কয়েকটি দেশে শিয়া সম্প্রদায় শোক ও ক্ষোভ প্রকাশ করার সাথে সাথে বৃহৎ আকারের শোক সমাবেশ ও বিক্ষোভের খবর পাওয়া গেছে। পাকিস্তানের করাচি সহ কিছু কিছু এলাকায় বিক্ষোভ সহিংস হয়ে উঠে বলে জানা গেছে।

ক্রমবর্ধমান উত্তেজনার মধ্যে পররাষ্ট্রমন্ত্রী ডক্টর এস জয়শঙ্কর উপসাগরীয় অঞ্চলের বেশ কয়েকটি দেশের পররাষ্ট্রমন্ত্রীদের সাথে আলোচনা করেছেন। আলোচনা এবং কূটনীতির মাধ্যমে উত্তেজনা হ্রাসের প্রয়োজনীয়তার উপর জোর দিয়েছেন। ডক্টর এস জয়শঙ্কর সংযুক্ত আরব আমিরাত, সৌদি আরব, বাহারাইন এবং কুয়েতি পররাষ্ট্রমন্ত্রীদের সাথে সর্বশেষ পরিস্থিতি নিয়ে আলোচনা করেন এবং উত্তেজনা বৃদ্ধিতে ভারতের উদ্বেগের কথা তুলে ধরেন।

উত্তেজনার মধ্যে দিল্লি বিমানবন্দর একটি ভ্রমণ পরামর্শ জারি করেছে। পশ্চিমমুখী আন্তর্জাতিক ফ্লাইট গুলিতে বিলম্ব হতে পারে বা সময়সূচী পরিবর্তন হতে পারে। সর্বশেষ ফ্লাইট সংক্রান্ত তথ্যের জন্য শুধুমাত্র সরকারি যোগাযোগ চ্যানেলের উপর নির্ভর করার জন্য ও অনুরোধ করা হয়েছে। যেকোনো আপডেটের জন্য যাত্রীরা official website [www. New delhi airport.in](http://www.Newdelhiairport.in) দেখতে পারেন।

Madhab Saha- Condolence Meeting:

সিপিআইএম দলের উদ্যোগে আজ উদয়পুরের রাজর্ষি হলে প্রাক্তন বিধায়ক মাধব সাহার স্মরণসভা অনুষ্ঠিত হয়। স্মরণসভায় মাধব সাহার রাজনৈতিক ও প্রশাসনিক দক্ষতার বিভিন্ন দিক নিয়ে আলোচনা করেন বিরোধী দলনেতা জিতেন্দ্র চৌধুরী ও প্রাক্তন মুখ্যমন্ত্রী মানিক সরকার। উপস্থিত ছিলেন প্রাক্তন মন্ত্রী নরেশ জমাতিয়া, রতন ভৌমিক ও বিধায়ক দীপঙ্কর সেন প্রমুখ।

N.F. Rly:

সাব্রম-শিয়ালদহ ১৩১৭৪ নম্বর কাঞ্চনজঙ্ঘা এক্সপ্রেস ট্রেন আজ আগরতলা থেকে নির্ধারিত সময়ের প্রায় আড়াই ঘন্টা দেবীতে রওয়ানা হয়েছে। আগরতলা রেলওয়ের স্টেশন ম্যানেজার জানিয়েছেন, ইঞ্জিনে সমস্যা দেখা দেওয়ায় ট্রেন ছাড়তে দেবী হয়। মেরামতের পর সকাল সোয়া আটটার পরিবর্তে সকাল ১১ টা ১০ মিনিটে ট্রেনটি নির্ধারিত গন্তব্যে উদ্দেশ্যে রওয়ানা হয়।

Cricket:

নেশামুক্ত সমাজ গড়ার আহ্বানে ধর্মনগরে আয়োজিত ফ্রেন্ডস ইউনিয়ন ক্লাবের ক্রিকেট টুর্নামেন্ট আজ শেষ হল শ্রীপুর স্কুল মাঠে অনুষ্ঠিত ফাইনাল ম্যাচে নিউ রয় এন্টারপ্রাইজ দলকে হারিয়ে পদ্মপুর ক্লাব চ্যাম্পিয়ন হয়েছে। চ্যাম্পিয়ন দলকে ২৫,০০০ টাকার এবং রানার্স-আপ দলকে ১০,০০০ টাকার চেক তুলে দেন উপস্থিত অতিথিরা।

Weather:

আগামীকাল আকাশ আংশিক মেঘাচ্ছন্ন থাকবে। আজ দিনের সর্বোচ্চ তাপমাত্রা ছিল ৩২.২ ডিগ্রি সেলসিয়াস এবং সর্বনিম্ন ১৯ ডিগ্রি সেলসিয়াস। আগামীকাল

দিনের সর্বোচ্চ তাপমাত্রা ৩২ ডিগ্রি সেলসিয়াস এবং সর্বনিম্ন ১৮ ডিগ্রি সেলসিয়াসের কাছাকাছি থাকতে পারে।
